

Et concussa fides, et multis utile bellum.

Jam gelidas Cæsar cursu superaverat Alpes;

Ingentesque animo motus, bellumque futurum

Ceperat. Ut ventum est parvi Rubiconis ad undas,¹⁸⁵

et quint. a m. 1. Item unus Palm. Multo rectius, quam vulgatum *tempore*. Bene explicant scholia : Quo diutius fœnus manet, eo magis homines fœnori pecuniam habentes, exeduntur « quia de die in diem augetur usura. » Sic Senec. Troad. 485 : « In luctus suos rex non avarus ». Noster, V, 621 : « lassatum in secula fulmen. » Ovid. Art. am. I, 445 : « Spes tenet in tempus. Avidum fœnus, » dixit quoque Arnobius, Lib. II, p. 72. Hæc se non intelligere proficitur Van Jever, et reponit *auctumque in fœnora fœnus*. Scilicet de anatocismo hoc intelligit : sed hic non locum habet, et mutatio audacior videtur. ED.

182. *Et multis utile bellum*. Intellige multos, quos obæratos inopiæ et luxuriæ vis urgebat, quibus plane civili bello opus esset; quod ipse Cæsar dicebat apud Suetonium, cap. 27. Male Heinsius conjic. *et inultis utile bellum*. Unde nullus aptus sensus elicitur. Acutius Burmann. *et nudis utile bellum*, id est, iis qui patrimonio vel dignitate sunt spoliati.

183. *Jam gelidas Cæsar cursu superaverat Alpes*. Hæc est poetica ac merito celeberrima προσωποποιᾶ, qua dubitationem Cæsar's Rubiconem trajicientis expressit, sublevans factum Cæsar's, ut significet, ipsum hoc Cæsa-rem studuisse perficere, ut justa ad arma et necessitate ad bellum adactus videretur, quod demonstrare ipse in Commentariis ubique conatur.—*Cur-*

su. Cursum non nisi ἐμπατιχῶς de Alpibus potuit dicere. Sic Virgilius de Hercule : « Aerii cursu petit ardua montis. » *Gelidas* usurpatum de montibus. SCHOL. Sequenti versui geminus plane locus est Ovidii, Lib. I, Metam. 166 : « Ingentes animo et dignas Jove concipit iras. » *Cursu Cæsar*. Margo Bersm.

184. *Ingentesque animo motus*. Quia sequitur mox : Ingens visa, etc. VVeber tentat *surgentes*, id est, orientes, incipientes. Non feliciter. Motus enim animorum surgere hic dici non possunt. Ideo nihil facit VI, 322 : « Hesperiam potuit, motu surgente, tenere. » ED.

185. *Ceperat*. Sunt tamen qui tradant bellum civile multo ipsum antea concepisse, ex quo quæstor in Hispania, visa ad Gades Magni Alexandri imagine, ingemuerat, quod ipse ea jam ætate, qua Alexander orbem terrarum subegisset, memorabile nihil egisset; et quum nocte proxima visus esset per quietem matri stuprum intulisse, conjectores arbitrium terrarum orbis sibi portendi responderant : quando mater sibi subiecta, nihil aliud esset quam parens omnium terra. SULPIT. Hoc somnium Plutarchus visum esse Cæsari dicit, proxima nocte, antequam Rubiconem transiret. MICYLL.—*Rubiconis*. Rubico fluvius est limes Galliæ et Italiæ, sed Galliæ togatæ. Fluvius a lapidibus rubris dictus. SCHOLIAST. V. Briosii Epist. p. 135. *Ad undas*. V. 1, *Undam*.

Ingens visa duci patriæ trepidantis imago,
 Clara per obscuram vultu mæstissima noctem,
 Turrigero canos effundens vertice crines,
 Cæsarie lacera, nudisque adstare lacertis,
 Et gemitu permixta loqui : « Quo tenditis ultra? 190
 Quo fertis mea signa, viri? Si jure venitis,
 Si cives, hucusque licet. » Tunc perculit horror
 Membra ducis, riguere comæ, gressumque coercens
 Languor in extrema tenuit vestigia ripa.
 Mox ait : « O magnæ qui mœnia prospicis urbis 195
 Tarpeia de rupe Tonans, Phrygiique penates

186. *Ingens visa duci.* Æn. III, 150 : « Penates... visi ante oculos adstare jacentis In somnis, multo manifesti lumine. » Ubi vides quid *clara* apud Nostrum velit. Nihil est quod tentetur *ingens*. Vitiosa quidem repetitio *ingentes*, v. 184, et *ingens*, v. 186. Sed Lucano soli imputanda. Notissimum est imagines et in visis et somniis obversantes forma majori apparere fictas. Frustra igitur Heins. conjicit *lugens*, quod et contra ordinem est, et non constat cum sequentibus *cultu mæstissima*. Ed.

187. *Mæstissima*. VV. *Et mæst*.

188. *Canos*. Male Schol. exponit propter nobilitatem, ut Virg. *Canafides*. Melius Serv. ad Virg. Æn. VIII, 33, explicat dictum *ad reverentiam*.

190. *Ultra*. Male edidit Hortensius *inquit*. Quod unde habeat, nescio : nam inutile post, *loqui*. Ed.

192. *Hucusque*. Præterea ne transiret Cæsar, cautum erat per senatusconsultum, columnæ inscriptum ad amnem Rubiconem ; « IMPERATOR, MILES, TIROVE ARMATE, QVISQVIS ES, HIC SISTITO, VEXILLVM SINITO, ARMA DEPONITO, NEC CITRA HVNC

AMNEM RUBICONEM, SIGNA, ARMA EXERCITVMVE TRADVCITO, etc. » *Tunc*. Mss. 7, *Tum*. — *Perculit*. Ed. Ven. *Protulit*. H. *Pertulit*.

193. *Membra ducis*. Celeberrimus Burmannus mavult hic scribere *duci*, et Lib. VII, 318, « cædere quisquam Hosti terga velit, » non *hostis*. De hac autem constructione late ipsum disputantem consule ad Ovidium Lib. VI, Metam. 659 : « caput Philomela cruentum Misit in ora patri. » — *Gressumque*. V. 1. *Gressusque*.

194. *Languor*. MSS. 5 et Edd. VV. *Langor*. Male quidam Codd. *posuit*. *Tenuit vestigia*, i. e. continuit, pressit, nec ultra progressus est. Similis usus verbi *tenere* infr. v. 235 : et sic intelligo *tenere vestigia*, II, 248 : « Inconcussa tenens dubio vestigia mundo. » Ed.

196. *Tarpeia de rupe Tonans*. Περύπρασς Jovis Capitolini. Similiter Cæsar apud Petr. de Bell. civ. v. 156 : « Juppiter omnipotens, et te, Saturnia Tellus... Testor ad has acies invitum arcessere Martem, Invitas me ferre manus. » — *Phrygiique penates*. Ἀπρυγίη Virgiliana; Æneid. III,

Gentis Iuleæ, et rapti secreta Quirini,
 Et residen's celsa latialis Juppiter Alba,
 Vestalesque foci, summique o numinis instar,
 Roma, fave cœptis : non te furialibus armis
 Persequor : en ! adsum victor terraque, marique
 Cæsar, ubique tuus, liceat modo, nunc quoque miles.

148: «Effigies sacræ divum Phrygiique penates.» Apollinem et Neptunum quidam volunt.

197. *Iuleæ*. Quia Juliorum genus ab Ænea descendit, et Venere : « Julius a magno demissum nomen Iulo.» De Iulea gente Vid. Turneb. lib. X, cap. 7, p. 309, cujus observationes vide. Ed.—*Secreta rapti Quirini*. Romulum dicit qui raptus ad cælum in tempestate Deus factus est. Bene *Secreta* dixit, quia subito nusquam comparuit, neque hujus absentiae ulla ratio probanda potuit referri. Vide Solini præfationem, in Collectaneis. — *Quirini*. Quirinum dicit Romulam, vel quod hasta utebatur, quæ Sabinorum lingua dicitur CURIS; vel quod græce *χοίρα* rex; Romani a Quirino Quirites appellati. Quotiescumque Romulus aliquid volebat meditari, in Capitolio se includebat. Hic autem quum extra urbem senatum haberet et exercitum recenseret ad Capræ paludem, subita tempestate concioni ablatu's fuit. Liv. I, 16; ibi perobscure famam refert, quæ regem manibus Patrum discerptum fuisse arguebat. Quod factum quum ad aures populi pervenisset, Julius Proculus, qui ab Iulo originem traxit, juravit a se visum Romulum, et præcipientem sibi ne populus tumultuaretur, quum a morte (al. Marte) esset in cælum raptus. Inde est institutum ut, quoties imperator decesse-

rit, unus senatorum in cælum raptum eum fateatur.

198. *Et residen's celsa latialis Juppiter Alba*. Latialis Jupiter, cui feriæ latinæ in monte Albano ab Ascanio institutæ. Cic. pro Milone, c. 31 : « Et tu, de monte tuo edito, latialis sancte Jupiter.» In hoc Ciceronis loco, Gruterus alique ediderunt *latiari*, alii *latiaris*. Hic etiam a prima manu in VVitt. Cod. et in veterrimo Codice Colbertino videtur fuisse *latiaris*. Sæpius scilicet hæc commutantur. Sic in Sidonio Apoll. Lib. IV, Ep. 3, Sirmondus edidit *latialiter*; Carm. XXIII, 235 vero *latiariter*. *Latiale caput* vs. 535, sed et illic Cod. Colbert. *latiare*. Hic Benth. coniecit *latiari* : quia Plinio Jupiter est *Latarius*.

199. *Summique o numinis instar, Roma*. Pro numine colebatur Roma. Hoc imitatus est Martialis, VII, 11 : « Perque tuas aures, magni mihi numinis instans », et Silius, XIII, 623 : « O magni mihi numinis instar, Cara parens. » E MSS. 8039. *Summique*. Edd. Br. Med. *Summi quoque*. o deest in A. et Ed. Ven. B. 1. *summi qui n.*

201. *Persequor*. M. *Prosequor*.

202. *Miles*. Sulpitius exponit : Miles, hoc est, si liceat, ex imperatore miles evadam, quasi non etiam militare Imperator dicatur. Badius intelligit *modo liceat*, per Pompeium:

Ille erit ille nocens, qui me tibi fecerit hostem. »
 Inde moras solvit belli, tumidumque per amnem
 Signa tulit propere. Sic quum squalentibus arvis 205
 Æstiferæ Libyes viso leo comminus hoste,
 Subsedit dubius, totam dum colligit iram;
 Mox ubi se sævæ stimulavit verbere caudæ,
 Erexitque jubam, et vasto grave murmur hiatu

quum recte, per te, o Roma, exponi debeat. Deponeret enim potestatem, si illi triumphare liceret. Nec arma sumpsisse se testatur, nisi ut Romam ab imperio Pompeii eximat; ergo bene; *tunc nunc quoque miles*. ED.

203. *Qui me tibi fecerit hostem*. Nihil est quod corrigas *qui te mihi*, ut vult Van Jever; decreto enim Cæsar hostis patriæ judicatus erat, ad quod respicit: sed *ille* repetito affectu in Pompeium cadit. ED.

205. *Signa tulit*. Grotius edidit *movel*; at nihil monuit, quare id fecerit. Habent autem ita R. Steph. variantes LL. at omnes Vossiani, Regii, alique cum Edd. *tulit*, quod majorem rei peractæ celeritatem notat. Utraque locutio frequens est apud Nostrum: vs. 191: « Quo fertis mea signa, viri »; vs. 395: *motis signis*; 422: *Signa movet*. Vide tamen Serv. ad Virg. *Æn.* XII, 6. -

205. *Sic quum squalentibus arvis Æstiferæ Libyes viso leo, etc.* MSS. multi, cum Romana ac Veneta, *Sicut*. Exprimere voluit similitudinem Homericam: ὅπτο λῶν ὡς σίγρης, etc. Vide Disquis. ad calcem hujus libri.

206. *Æstiferæ*. Quidam *Pestiferæ*. Nihil mutandum. *Æstiferæ* legit quoque Valer. Probus c. 1446, Ed. Putsch. Frequenter etiam hoc epitheton et naturaliter adhæsit huic

regioni. Vide Drakenburg. ad Silium Ital. I, 194: « Æstifero Libye torretur subdita cancro »; ubi eadem est varietas, inf. lib. IX, « Ardens Africa. » Rutil. I, 60, « Flammigeris Libye tardavit arenis. » Claudian. de Cons. Stilic. III, 333: « Libyæ flagrantibus oris. »

208. *Mox ubi se sævæ*. Plinius Hist. VIII, 19: « In principio iræ, terra verberatur cauda; incremento terga ceu quodam incitamento flagellantur. » Bentl. tamen in hac pulcherrima descriptione vocabulum *sævæ* reprehendit, nec caudam sævam dici posse affirmat, nisi de scorpio vele ejusmodi alio. Proprio sensu facile concesserim; sed sæva dicitur cauda leonis, qui, crescente ira, in se quasi stimulo sævit. Cur autem Bentl. præferat epitheton *longæ*, Homericum nempe (ὀυρῆσι μακρῆσι), plane non video. ED.

209. *Erexitque jubam, etc.* Ita ex duobus manuscr. Bersm.: in aliis erat, « Erexitque jubas, vasto et grave. » Virg. *Æn.*, XII, 4: « Pœnorum qualis in arvis Saucius ille... leo, etc. » Edd. Ven. Br. Med. Ascens. Sulpit. et Mycilli, habentque octo ex nostris et 3 Pulm. Vitiose Ed. Rom. « E. jubas et v. grave m. h. » Voss. et Ill. Buberii Cod. habent: « Erexitque jubas, et vasto murmur hiatu. » Exhibetur in Voss. quart., cui tamen vox *grave*

Infremuit, tum torta levis si lancea Mauri 210
 Hæreat, aut latum subeant venabula pectus,
 Per ferrum tanti securus vulneris exit.

Fonte cadit modico, parvisque impellitur undis
 Puniceus Rubicon, quum fervida canduit æstas,
 Perque imas serpit valles, et Gallica certus 215
 Limes ab Ausoniis disternat arva colonis.

erat superscripta, et in Marp. « E. jubam et vasto murmur hiatu, » neglecta forsitan bene ellipsi, de qua infra dicemus.

210. *Levis*. Epitheton est Mauro- rum, qui leviter armati, veloces et celeres habentur. *Tum*. Voss. pr. Reg pr. H. *tunc*. Ed. Rom. Parm. *dum*, et Ald. *Torta*. H. *Tota*.

211. *Subeant venabula*. Si tela venatoria pectus penetrent. Martial. VIII 55, de Leone: « Grandia quam decuit latum venabula pectus. » *Hæreat*. M. *hæserit*.

212. *Securus vulneris exit*. Imitati sunt nostrum et Senecam Agam. 637, « Secura metus Troia pubes »; Valerius Flacc. Lib. III, 479, « tantæ molis securus »; Lib. III, 329; IV, 201, « It tanti secura metus »; Statius Lib. VII, Theb. 268, « tantique maris secura juvenus »; Silius X, 300, « securus cædis. » Tamen non eodem sensu *securus vulneris* dicitur: hic enim est negligens vulneris, non curans plagam, quam accepit. Per ipsum enim venabulum, quo transfigitur, in venatorem ruit. *Exire per ferrum* Lucanus habet a Seneca L. III de Ira, c. 3: « Gaudent feriri, et instare ferro, et tela corpore urgere, et per suum vulnus exire », quod notavit etiam Drakenb. ad Silium L. X, 2: « Ceu fera, quæ telis

circumcingentibus ultro Assilit in ferrum, et per vulnera colligit hostem. » Adducitque hunc locum Servius ad expositionem Virgil. L. XII Æn. 6; « Tum demum movet arma leo, gaudetque comantes Excuteiens cervice toros, fixumque latronis Impavidus frangit telum, et fremit ore cruento. »

213. *Parvisque impellitur undis*. *Parvi Rubiconis* dixit v. 185. Vide Disquisitiones ad h. v. ad calcem hujus libri. *Parvisque*. A. *Parvis*.

214. *Puniceus*. MSC. *Pumiceus*. BERSM. *Pumiceus* etiam unus Voss. sed male. Alludit ad ῥυμὸν *Rubicon*; quod a rubro ductum videtur colore, quem amnis contrahit a terra illius regionis. Id clarissime patet ex frequenti Lucani consuetudine in propriis describendis nominibus. Sic Lib. III, 281; « Hinc fortis Areus », si vera est lectio. Lib. VI, 370; « Nec tenues ventos suspirat Anauros. » Ib. vs. 674: « Non puppim retinens, . . . In mediis Echeneis aquis. » Sæpius Lib. IX; sic vs. 726: « In vacua regnat Basiliscus arena. » Adde S. Bochart. Phaleg. VI c. 33, Lib. I, Chan. c. 34. Cæterum pro *Rubicon* monet Cl. Drakenburg. legi *Rubico* ad Silium L. VIII, 453, ubi vide, quos super hac re laudat; sic *Laco* in 2 Voss. Cod. *Agamemno* apud Quinc-

Tunc vires præbebat hiems, atque auxerat undas
Tertia jam gravido pluvialis Cynthia cornu,
Et madidis Euri resolutæ flatibus Alpes.

tilianum, Inst. Or. Lib. III, c. 11 et passim.

216. *Limes*. Naturalis scilicet et vetus. Nam postea Cisalpina Gallia Italiæ adnexa est. Vibius Sequester: « Rubicon Galliæ juxta Ariminum olim dividens Galliam ab Italia », et passim auctores.

217. *Tunc*. Alii *tum*. *BERSM.* *Tunc* ediderunt jam Veneti et Taberius in Ed. Br. et Med. *Tunc*, mense januario. — *Auxerat*. Sic legendum, non *hauserat*, quod esset, ad se traxerat. Causas enim explicat, cur Rubico solito esset aquosior, longos imbres, et nives Alpinas. *GROT.* Recte vulgatam lectionem recepit Grotius, quam confirmant Codd. Contra pro *hauserunt* vitiose in quibusdam Codd. est *auxerunt* Lib. III, 577, et alibi. Male autem post *undas* distinguit Glareanus, existimans sequentes duos versus tantum esse descriptionem hyemis, et veras Alpes intelligi. Sed falsum est, Alpes hieme liquecere: quod non fit, nisi exacto vere; immo, ut multi tradunt, sub Canis ortu. Sub generali nomine *Alpium* intelligit *Alpes Apenninas*, sive Apenninum, qui ita continuus est Alpibus, ut sit quasi unus et perpetuus mons. Tolerabiliore utitur ἀνρολογία, quam qua alii *Pyrenæos* montes vocarunt *Alpes* (Vide ad Obseq. c. 103.) Adeat lector Cluverium in Italia, et Geographos qui de Alpibus, Pado Fl. et Apennino scripserunt.

218. *Tertia jam gravido pluvialis*. *Χρονογραφία*, et descriptio trajectionis. Et confirmatæ audaciæ, ac

consilii destinati de occupanda urbe indicatio. *Gravido cornu*, hoc est, pleno aquis. Valer. Flacc. II, 56: « Puraque nec gravido surgebat Cynthia cornu. » Tertia luna quæ sit quærent interpretes. Sulpitius tertiam Cynthiam, pro tertio die ab interlunio exponit, quod, ut ipse ait, eo die majores plerumque imbres esse solent. Omnibonus tertiam Cynthiam, de tertio mense dictam accipit, quasi poeta tribus jam mensibus pluviam jugem fuisse significet. Sed melius intelligendum jam tribus diebus continuis pluisse; ut tertia non de ordine tantum, sed et de numero accipiatur. Cum Sulpitio faciunt Bersmann. et Hortensius, qui ita putat hunc locum accipiendum, tertia cum luna pluere incepisse, et aliquot diebus durasse, donec aquarum incremento Cæsar superveniret. Errant certe illi, qui tres menses durasse pluviam putant; nam mense Febuario, ut constat ex Appiano et ipsius Cæsaris Commentariis, non serius trajecit flumen; ergo in tribus prioribus mensibus media hieme pluisse et Eurusspirasse debuit: quod non credibile. Immo ex Petronio, Sat. c. 123, patet tunc modo cœpisse terram et flumina dissolvi, ac nives liquefieri. Simplex Lucani sensus est, tres noctes *jam*, quæ particula hic bene notanda, pluisse, et Eurum madidis flatibus spirasse, unde Apenninus resolutus est, et nives cum multa pluvia auxisse Rubiconem. *Gravido cornu pluvialis Cynthia* est nihil aliud nisi luna aquis plenam

Primus in obliquum sonipes opponitur amnem 220
 Excepturus aquas, molli dum cætera rumpit
 Turba vado faciles fracti jam fluminis undas.
 Cæsar, ut adversam superato gurgite ripam
 Attigit, Hesperiae vetitis et constitit arvis,
 «Hic, ait, hic pacem, temerataque jura relinquo; 225
 Te, Fortuna, sequor : procul hinc jam fœdera sunt.
 Credidimus fati; utendum est iudice bello.»

se ostendens et gravidam. Sic *graves* *imbre Noti* barba et aë, Ovidio, lib. I, Metam. 266, IV, 728. *Tertia* ergo *Cynthia* est tertia nox: ut passim loquuntur auctores. Sic apud Virg. *Cynthia quarta*. Plinius quidem et rei rusticæ scriptores luna tertia, quarta, septima, etc. de singulis noctibus dicunt. ED. — *Pluvialis*. B. 1. *pluvioli*.

220. *Primus in obliquum sonipes*. Equites primo ingressi sunt amnem, ut fluminis impetum sisterent, quo tutius transirent pedites. ED. — *Obliquum*, V. I.

221. *Molli dum*, vulgo *tum*. B. I, R. sec. *Tunc*. M. *Dum*.

222. Mss. 7900, *Turba vado faciles jam fracti*. Recte Scholiastes exponit *fracti*, id est, *illisi in equos*. Eo pacto enim vis fluminis erat fracta. De qua significatione vide Burmann. ad Petron. Sat. c. 123, *fracto gurgite Pontus*. Infr. 371: «Fregit et Arctoo spumantem vertice Rhenum.» Sen. Herc. Cæt. 506: «Frangebatur ipsas fluminis tumidi minas.» Adde Drakenburg. ad Silium III, 437: «Nunc validis gurges certatim frangitur ulnis.» Certe in his *molli vado* et *faciles undas* tautologia videtur inesse, cui ut medeatur ingeniose Bentl. reponit: «Jam

fracti fluminis iras.» Jam *iras faciles* Noster, sed alio sensu, I, 173, et Horat. *facili sævitia* habet carm. II, 12. ED.

224. *Hesperiae*. B. 1. *Hesperies*.

225. *Hic, ait*. H. Ed. Ven. *Sic*.

— *Hic pacem*. B. 1. *Hic pacem linquo temerataque jura*.

226. *Te, Fortuna, sequor*. Videtur hoc loco poeta alludere ad dictum illud, quo Cæsar usus dicitur, quum Rubiconem trajecisset. Suet. c. 32, Eamus, inquiens, quo deorum ostenta, et inimicorum iniquitas vocat. Jacta alea esto. Hoc ultimum verbum idem significat, ac illud, quod poeta planius dixit: *Te, Fortuna, sequor*. MICYLL. Cæsar omnes suas victorias fortunæ deputabat, id est, felicitati suæ: unde milites contra eum in furorem versi, quia nil ipsis tribuebat, quodam die eum occidere voluerunt; sed ille moratus paullisper, quousque iram suam ipsi temperarent, postea egressus est nudus sine armis, dicens: Ecce ego præsto sum, me interficite. Tunc ipsi omnes pavore percussi arma sua ad terram demiserunt, et auctores seditionis ei occidendos tradiderunt. E MSS. 8039.

227. *Credidimus fati*. Heins. «Credimus en fati» Van Jever versum expungendum pronuntiat. Insula enim repetitio post: «Te, for-

Sic fatus, noctis tenebris rapit agmina ductor
Impiger; it torto Balearis verbere fundæ

tuna, sequor»; et vitandum illud insuave *κακὸς φωνὸν* in *fatis* et *fatus*. Hæc vera, sed ipsi Lucano, ut sentio, sunt imputanda. Nil est tamen quod offendant *Credidimus*, quum præcedant *relinquo, sequor*. Sic Horatius, Carmin. III, 5: Cælo tonantem *credidimus*, etc. Si lectio *Credimus en fatis* probatur, subintelligendum est *nos*, ut apud Cicero-nem, Tusc. V, 20 legitur: «Credebat eorum nemini,» et ita Noster, IX, 1009: «Dubii veritus se credere regnia.» Ut autem Heinsiana conjectura probetur, multum facit v. 134 supra: «Multumque priori Credere fortunæ», et v. 540: «Multa quidem prohibent nocturno credere Ponto.» VII, 705: «Longo fatorum crede favori.» Valer. Flacc. I, 332: «Nec de te credam nostris ingrata serenis.» Bertram. voluit *Cedimus en*, ut passim *tempori, fortunæ cedere*, de quibus vide Græv. ad Cicero. Catil. I, 9. Infr. VIII, 573: «Sed cedit fatis.» Quum ergo frustra omnia tentasset Cæsar, pacis obtinendæ causa, se jam licet invitum et q̄b adversariis coactum, fatis et necessitati parere proficitur. *Judice ferro* ex MSS. profert Cortius, alii *Vindice*. Ed. — *Bello judice*. MS. *vindice*: atque ita legit Omnibonus, quia hoc bellum injurias ulcisceretur. Sed perperam: *jude: bellum* est, quia illud discerneret, quis justius induerit arma. Sic Petronius c. 122 in hac ipsa re: «Judice Fortuna cadat alea, sumite bellum.» Valer. Max. L. III, c. 7, § 6: *Marte judice*; ubi alii *Indice*; *samam judicem* dixit Seneca Cons. ad Marc. c. 4; *contum judicem*

Joseph. Iscan. L. I, 170. Plura, si cupias, vide in notis ad Silium Ital. Lib. II, 456: «Quas, belli judex, pœnas mihi curia pendes.» Non dissimilis Cæsaris verbis est responsio Alexandri apud Curtium Lib. IV, c. 11: «Præmia esse belli. Hoc regente utriusque terminos regni, id quemque habiturum, quod proximæ lucis adsignatura fortuna est.» Et verbo *regente* elegantissime Curtius alludit ad jus Romanum de finibus regundis. De hoc versu, an spurius sit, disputantem adi. Vveber. in Var. Disquisitione.

228. *Noctis tenebris*. B. 1. *Tenebris noctis*.

229. *Impiger; it*. Sic MSS. duo: alii *Impiger, et. Currere de sagittis* Statius Lib. V Theb. 37, et *ire* XI Theb. 38: «...quo plus eat hasta lacerto.» — *Balearis*. Balears, insulæ in mari Hispanico, aliis duæ Afrosiades, et *Gemnasidæ* f. *Gymnesiæ*, major et minor: unde et vulgus eas Majoricam et Minoricam nuncupant. In his primum insulis inventa est funda, qua lapides emittuntur. Unde quidam volunt nomen illis factum esse *Baleares*. Βάλλειν enim Græce *emittere* dicitur, unde et *balista*, quasi missa et *fundibulum*. Virgilius: «Balearis verbera fundæ.» In his usus fundæ adeo celebratus, ut matres parvos filios alias aves esse non sinerent, nisi quas funda adepti fuissent. Florus, Lib. III, c. 8: «Cibum puer a matre non accipit, nisi quod ipsa monstrante percusserit.» Alias *Gymnasiæ* quoque eadem vocantur. Steph. Byz. Γυμνασίαι, δύο νῆσοι περὶ τὴν Τυρρηνίδα, οὐχ' ὡς πτερυγία. Ἐκλήθη δὲ τὸ

Ocior, et missa Parthi post terga sagitta : 230

Vicinumque minax invadit Ariminum, ut ignes
Solis lucifero fugiebant astra relicto.

Jamque dies primos belli visura tumultus

Exoritur : seu sponte deum, seu turbidus Auster

ἔθνος δὲ τῶ θέρει γυμνοὶ μένουσιν. Vid. autem quæ notavi ad Avien. descript. orbis terræ, v. 628; Poet. lat. min. tom. V, p. 220. Ed. Constanter autem Codd. omnes hic et Lib. III, 710, scribunt *Balearis*, non *Baliaris*, ut viri doctissimi quidam exarandam semper hanc vocem putant. Vide ad Sil. Lib. III, 365 : « Funda bella serens Baliaris et alite plumbo. »

230. *Post terga*. Parthi, dum se fugere simulant, sagittas ab inguine ductas a tergo mittunt. *Missæ Parthi*. *M. Parthi missæ*. De velocitate comparata sagittæ, Balearicæ glandi et aliis vid. ad Gratii Cyneg. v. 204; Homerus, *Odyss.* VII, 36 : ὥστ' αἰεὶ, ὥστ' ἑπὶ πτερὸν ἢ νόσφι. De Cæsaris celeritate Cicer. ad Attic. VIII, 9 : « Hoc τέρως horribili vigilantia, celeritate, diligentia est. » Ed.

231. *Ariminum*. Umbræ urbem in Flaminia via. — *Ut ignes*, olim et. Grot. reponerat *ut*, quo rectius cohæreret sententia. Primo diluculo captum Ariminum, cætera gesta orto jam die. Appianus : Ἀρίμνον τι αἰεὶ περιῶ. Deinde conjecit « invadit Ariminum : ignes Solis, etc. » Nam sic et II, 466, pro *Auximum* Græca terminatione *Auximon* posuit, quia versus aliter eam vocem non recipiebat. Interjecerunt copulam, quibus inusitata hæc desinentia displicebat. OUD. Stephani, Pulw. et Bersm. Codd. retinent *et*. Quod sequitur Oudend. paullo majorem distinctionem ponens cum aliis post *Ariminum*. Sed etiamsi

retineatur *et*, posset idem permanere sensus; nam et hæc vocula potest ipsum temporis punctum denotare, quo Ariminum intravit. Quasi dicat, « invadit Ariminum, quum ecce crepusculum fiebat. » Sic Lib. VI, 246 : « Simul hæc effatur; et altus Cæsareas pulvis testatur adesse cohortes. » Non dissimilis est locus Cæsaris, Lib. I. Belli Gallici, 37 : « Hæc eodem tempore Cæsari mandata referebantur: et legati ab Æduis veniebant ». Apud Græcos vero hoc sensu voculam καὶ usurpari docet Elsnerus Obs. Sacr. ad Lucam, p. 218. Neque elisio durior est illa, quam adhibet Virgil. L. III, Æn. 109, *Ilium, et arces*. — *Ignes*. Msc. *Ignem*. BERSM. *Ignem* etiam exhibet Ed. Romana; non male hoc loco: facit enim sensum paullo clariorem. Utrumque, ut et alii poetæ, usurpavit noster, L. VII, 228 : « Phœbi surgentis ab igne »; at Lib. II, 415 : « Pares Phœbeis ignibus undas. »

232. *Lucifero ... relicto*. Eleganter dictum *relinqui* Luciferum ab astris; hic enim, diffugientibus stellis, agmina earum cogit, et, ut ait Ovid. Met. II, 114 : « Cæli statione novissimus exit ». Male omnino pro *fugiebant* Rottend. 2 *fulgebant*.

233. *Primos belli*. Reg. pr. *Belli primos*.

234. *Seu sponte deum*. Sive hoc signum belli Deis ipsis edentibus; seu forte commotis nubibus. *Turbidus*. S. Germ. a man. sec. *Turgidus*,